

Isaac Chin Strikes Again

STA. CRUZ -- Algun año pasá, un buki di Isaac Chin, un residente local di Aruba, a ser publica, cu a recontá e storia colorido y hopi biaha doloroso di su bida, na unda cu el'a crece den un ambiente pover na British Guyana.

Con el'a termina na Aruba, cuidando un hardin yen di matanan di fruta, na edad di 87 año, ta e topico di su di dos buki, cu a caba di mira luz di dia cu Loft Press Inc. "Tilly, The White Liver Woman," ta un compilacion di storianan cortico, te hasta mas encantador cu su prome incursion den literatura, cu "Where is Choy?"

Mientras cu su buki debutante "Where is Choy?" ta describí e paisahe y personalidad di su hubentud, for di e punto di bista di mucha, "Tilly the White Liver Woman" ta cubri e biahe di e escritor pa adulto, for di un ángulo picante y humoristico, compañá pa e gesto di pordon y comprension cu

ta tipifica edad halto y sabiduria.

Tilly, ta un buki excelente, den un género popular Sur Americano, e realismo fantastico, na unda cu e fronteranan entre echo y ficcion ta un poco nublá. Mientras cu e echonan, tur ta presente, Isaac Joseph Chin a pasa door di un kaleidoscoop di aventuranan, envolviendo diferente carera y un variedad di muhernan, den diferente lugarnan exotico, y tambe ta masha aparente cu e la tuma e libertad, pa embeyecé y dramatizá e aventura y accion, pa segurá cu e lesadónan ta keda pegá na e buki.

Chin, un asociado di ingeniería for di Lago Oil & Transport Company, a bisa cu recientemente el'a domina e habilidad cu computer, cu a yude completa su di tres y proximo manuscrito "Natalee Holloway Case," cu lo ser publicá e luna aki. E bukinan di Chin ta obtenibel

den librerianan local y ta autentico Caribense.

Esnan cu ta stima e cultura y color di e isla, lo haya e

bukinan di Chin original y refrescante.

